




Early European Books, Copyright © 2011 ProQuest LLC.
Images reproduced by courtesy of The Wellcome Trust, London.
1431/A





Early European Books, Copyright © 2011 ProQuest LLC.
Images reproduced by courtesy of The Wellcome Trust, London.
1431/A



Early European Books, Copyright © 2011 ProQuest LLC.
Images reproduced by courtesy of The Wellcome Trust, London.
1431/A



Early European Books, Copyright © 2011 ProQuest LLC.
Images reproduced by courtesy of The Wellcome Trust, London.
1431/A

1431 liber rarissimus one other copy only known

A Unicum 152956
820

per Rabelais -
Lectures on
Symph. Champier

A. XXXIII

16/c

Allut

Etude sur Symph. Champier

Lyon 1859.

This book is mentioned by Rabelais
in his catalogue of the fictitious

Libraire - St Victor, as

Campi Cysteriorum per S.C.

Campi Cysteriorum per S.C.

M. Allut says this is one of the rarest
works of Champier. He knows but
one copy - that in Bibliothèque Nationale
at Paris

see Etude sur Symph. Champier

p. 218

Lyon. 1859

61.C.30

29366

-A530

J. F. Payne

bought at Berlin. 1879

See Rebolais

Catalogue of the Library - St Victor

Campi Clysterorum per S.C.


Champerius Symphoricarum
or Champerium or Champer


[1472-1539 ?]
S.S.


payne


1. 1. 1.


1. 1. 1.




















SYMPHONIA

GALENI AD HIPPOCRATEM,

Cornelii Celsi ad Auicennam: unâ

cum sectis antiquorum medicorum ac

recentium: à D. SYMPHO-

RIANO Campegió, æqui

te aurato, ac Fauergiae

Domino, com-

posita,

ITEM, CLYSTERIORVM CAMPI
*contra Arabum opinionem, pro Galeni sententia, ac oim
Græcorum Medicorum doctrina, à D. SYMPHO
RIANO aurato equite, ac Fauergiae Domino digesti,
contra communem Arabum ac Pœnorum traditionem
summa cum diligentia congesti, ac in lucem propagati.*

SYMPHO


NIA GALENI AD HIPPO=

cratem, Cornelij Celsi ad Auicennam: ad

Franciscum Syluium Ambianorum

præcipuum Oratorem.

PRAEFATIO



QUONIAM uir clarissi-
me iampridem Pergamus,
ciuitas Asiae præclarissima,
multos splendidissimos ui-
ros protulit: unum tamen
inter cæteros singularem Ga-
lenum summum philosophum
& medicum genuit: cuius
scientissima & plurima ex-
tant ingenij monumenta, quæ genuinam sapiunt eruditio-
nem. Memoriae enim proditum est à nonnullis, centum &
quadraginta annos uixisse, tantâq; in cibo & potu absti-
nentia usum, ut ad satietatem nunquam comederit, aut bibe-
rit, nec crudum quicquam gustarit, unde sit factum, ut odo-
rificum semper anhelitum spiraret. Sed quod longe apud
me mirabilius est, citra ullam omnino affectionem, sola de-
fecerit senectute: quod in humanis est rarissimū. Vtcunq;,
hinc certe adagium obrepere aduerto, ut Galeni ualetudi-
nem dicamus, pro ea, quæ ultra humanum captum nimis
sit prospera, nimisq; inoffensa. Nec me tamen fallit, quid
aduersus hanc astruccionem nostram proferri ab erudi-
tio

a 2

tio

tioribus possit, tum ex Galeno ipso, tum ex scriptoribus alijs. Nam Suidas autor est, Galenum modo annos uixisse septuaginta: Laërtius uero Diogenes scribit, annos uixisse octoginta septem. Ita enim de eo scribit Suidas: Galenus, inquit, arte medica celeberrimus, Pergami natus, Marci & Commodi ac Pertinacis imperatorum temporibus, Romæ uixit, Niconem habuit patrē, Geometriae ac Architecturae peritum: Plurima non in medicina solum, sed & in philosophia cōdidit uolumina: imò uero in Grammatica & Rhetorica: quæ quod omnibus ferè obuia sunt, & uulgo notissima, recensere consilium nō est. In libro de sanitatis moderatione ita scriptum inuenio, quocunq; autore æditus est liber is: Annis, inquit, iam plurimis nullis ferè morbis infestati sumus, nisi quandoq; laboribus nimij Ephemera febre: attamen pueri adolescentesq; magnas multasq; incurrimus ægrotudines: sed anno uigesimo octauo ætatis transacto, cum exploratum mihi esset, sanitatis esse artem aliquam, eius inherens præceptis, immunem me morbis, exortēq; custodiui, præter eam, quā diximus ephemeram: quam tamē ipsam declinare possem, liberius paulo uiuendi potestatem nactus. Porro in libro de alimentis. ij. ubi de lactuca sermo est, scribit: Utuntur, inquit, ea ex aqua decocta, sicuti ego nūc incœpi, posteaquā deprauati mihi dentes sunt. Sed & alibi scribit, cū circa diaphragma laboraret, se somniauissē, liberatum iri, si sanguinem mitteret ex uena, quæ est inter pollicem & indicem: minuisse sanguinem, conualuissē. Hæc ad præsens comperta nobis de Galeno, uiro inter Græcos elegantissimo, sunt Franciscæ ornatissime, Galeni enim præstantiam nō solum Græci & Latini

3
Latini scriptores patefaciunt, sed & Barbari autores. Vnde Auerrhous inter Barbaros autor præcipuus, quinto colliget, capite de punicis granis: Galenum ita celebrat, ut experientia præcellentem prædicet, ac ueridicum imprimis, ut cui comparari non possit alius: Ni forsitan is inquit, qui clamat quidem, sed quid clamet, non percipit satis. Auicennam alterum barbarum opinor cõuellens. Qui se tamen Galeni fatetur interpretem, ac summum quandoq; uocat artis medicæ. Scripserunt autem isti duo Auerrhous & Auicenna in medicinis ac philosophia plurima uolumina, sed lingua externa & barbara, ex qua nobili studiorum strage medicinæ uilitas orta est, inconstantissimaq; omnium artium facta. Quapropter uir ornatissime, hanc Symphoniam scripsi, ne Auicenna & Auerrhous ille impius apostata Christianos medicos per inanem ac barbaram philosophiam decipiant. Vale literarum decus, & nos ut soles ama. Ex nostra bibliotheca Lugdunensi,
M. D. XXVIII. XV. Februarij.

MEDICORVM PRINCIPES
QVATVOR.

HIPPOCRATES Cõus natione, lingua Græcus.

GALENVS Asiaticus, ac Pergamenus, lingua Græcus.

CORNELIVS CELSVS Romanus, lingua Latinus.

AVICENNA natione Hispanus, Hispalensis, lingua Arabs.

4 3 Hippo

Hippocrates Gloriosus, Diuus, Sapiens, Dialecticus,
Rationalis, Clinicus, Dieticus.

Galenus Hippocratis uerus interpres, Instaurator Cli-
nicæ medicinæ, Medicinæ princeps.

Auicenna Galeni interpres, inter Arabes autor præci-
piuus, ingeniosus.

Ex Græcis neminem comperiemus, qui pulchrioribus in
Græcos meritis Hippocrati sit præferendus.

Ex Asiaticis neminem comperiemus, qui pulchrioribus
disciplinis in Romanos Galeno sit equiparandus.

Ex Latinis neminem comperiemus, qui Pæonia arte
Cornelio Celso sit conferendus.

Ex Arabibus ac Hispanis neminem comperiemus, qui
ingenij subtilitate, sermonis breuitate, morum grauitate,
Auicennæ sit anteponendus.

Hippocrates in sermone alter Hesiodus, meditatione
Democritus, taciturnitate ac doctrina Pythagoras.

Galenus sermone alter Demosthenes, meditatione Hip-
pocrates, doctrina Plato.

Cornelius Celsus sermone Cicero, meditatione Ascle-
piades, doctrina Aegineta Paulus.

Auicenna sermone Barbarus Arabs, meditatione Abime-
ron Auenzoar, doctrina Algazel.

COMPARATIO HIPPO cratis ad Galenum.

HIPPOCRATES semina nobis tradidit
artis pæoniæ, Galenus autem semina illa excoluit
& propagauit, & perfectionem imposuit. Hippocrates
ant;

7
antiquior tempore fuit, Galenus posterior. Galenus ar-
tium præcepta scripsit, Hippocrates minime. Hippocra-
tes scribendo amphoristice & sermone breui medicinam
nobis tradidit, Galenus copiosius quàm Hippocrates artis
Apollineæ præcepta conscripsit, & pleraq; memoratu di-
gna suo ingenio addidit.

COMPARATIO AVICENNAE
ad Cornelium Celsum.

FVERE illustres medici Cornelius Celsus & Auicenna: Celsus antiquior fuit tempore, Avicenna posterior: Celsus sermone, elegantia, facundia omnibus medicis anteit: Avicenna sermone barbarus fuit: dum uero scribebat neq; belle quidē literas figurabat, neq; exacte syllabas distinguebat, neq; ullam (more barbarorum) orthographiæ diligentiam adhibebat, soli uidelicet intelligentiæ studens, atq; id quod omnes medici admirantur, id agere ad finem usq; uitæ perseueravit. Cornelius Celsus uir fuit eloquentissimus, cuius Fab. Quintilianus libro institutionum decimo, capite primo, meminit: ubi de his qui latine de philosophia scripserunt agit: Scripsit (inquit) non parum multa Cornelius Celsus Sceptios secutus, non sine cultu ac nitore. Idem duodecimo, capite ultimo de his qui plura sciuerunt scripseruntq; loquens: Cornelius Celsus non solum de his omnibus conscripsit artibus, sed amplius rei militaris & rusticæ etiam & medicinæ præcepta reliquit, dignus uel ipso proposito, ut eum scisse omnia illa credamus. Hastenus ille.

DE SECTIS NEOTERICORUM medicorum.

TO T V S fermè terrarum orbis ab Hippocraticis & Galienicis occupatus, in duas ut plurimum sectas diuisus est, Auicennicam, & Auerrhoicam. Illi quidem catenam intelligētiarum ac animarum esse existimant, & à prima intelligentia secundam solum prodire asserunt: secundam autem cum ad primam se cōuertens intelligit, producere tertiam: tum deinde eandem seipsam intelligendo, animam primi orbis creare: quod & ad creationis rationem pertinere affirmant Arabes. Auerrhoistæ uero unicū esse intellectum in omnibus hominibus contendunt. Vtriq; religionem omnem funditus æque tollunt, præsertim quia diuinam circa homines prouidentiam negare uidentur, & utrobq; à suo etiam Galeno defecisse: cuius mentem hodie pauci, præter Leonicensem nostrum, Linacrum, Ruellium, Copum, Alexandrumq; Benedictum Veronensem, complatonicum nostrum, ea pietate qua Paulus Aegineta, Alexander Aphrodisæus, & nuper Theodorus Gaza interpretantur. Si quis autem putet tam diuulgatam barbariem, tamq; acribus munitam ingenijs, sola quadam simplici sermonis elegantia apud homines posse deleri, is à uero longius aberrare, palàm re ipsa proculdubio conuincetur. Maiore admodū hic opus est potestate: id aut est philosophica quadam ratione, philosophis eam libentius audituris quandoq; persuasura. Placet autem diuinæ prouidentiae his seculis præoniam artem, autoritate Hippocratis Galeniq; ac ratione philosophica confirmare, quoad statuto quodam

9
quodam tempore uerissimam Romani sermonis speciem, ut
olim quandoq; fecit, manifestis per omnes Latinos confir=
met latinis sermonibus.

QVAE FVERINT ANTI=
quorum in arte medica sectae.

ACVTA ingenia plerumq; soli se rationi cōmit
tunt, cumq; à religioso quodā philosopho sectam
aliquam accipiunt, subito cōem libenter admittūt. Qua qui
dem imbuti, ad meliorum qñq; speciem sub genere compre
hensam facilius traducuntur. Itaq; non absq; diuina proui
dentia uolente uidelicet omnes pro singulorum ingenio ad
se mirabiliter reuocare, factum est, ut pia quaedam philoso=
phia quondam apud Persas sub Zoroaste, & apud Aegy=
ptios sub Mercurio nasceretur, utrobiq; sibimet consona,
Nutriretur deinde apud Græcos medicina sub Apolline,
Aesculapio, Podalirio, Machaone, Centauro, atq; Ascle=
pio. Philosophia uero apud Thraces sub Orpheo atque
Aglaopheno. Adolesceret quoq; medicina mox sub Hippo
crate Coo: philosophia uero sub Pythagora apud Græcos
& Italos. Tandem uero medicina cresceret ac floreret
apud Prusios sub Asclepiade, apud Romanos sub Antonio
Musa. Tandem uero à Galeno consumeretur Romæ, Ale
xandriæ medicina: cum antea sub Platone & Aristotele
Athenis consummata fuisset philosophia. Vetus autem
medicorum mos erat, diuina mysteria cum medicina ac ma
thematicis, tum poëticis figmentis obtegere. Nam ut scri=
bit ad Philopomenem Hippocrates: Medicina uaticinio

a s

cogna

cognata est: quoniam, inquit, harum duarum artium unus est parens Apollo, qui nobis progenitor morbos futuros prædicit, & egrotantes curat. Inde & id observatum aliquando fuisse apud Aegyptios sacerdotes comperio, unam eandemq; facultatem fuisse pharmacis, fidibus, & mysterijs occupatam. Siquidem Phœbus (ut in epistolis Hippocratis legitur) animi atq; corporis curationē coire in unum arbitrabatur. Vnde apud Aegyptios atq; Persas ijdem sacerdotes erant & medici.

DE SECTA ARABVM ac Pœnorum.

AGALENI tempore complures lingua externa scripserūt: quo quidē Barbarorum feritas Italiam, Galliam, ac Hispaniam inuasit, & magis literarum decus, quàm urbium ornamenta sustulit: ex qua nobili studiorum strage medicinæ uilitas orta est incōstantissimaq; omnium artium facta. Desierunt paulo ante & bellorū ruinis apud Græcos medici, quorum iniuria in externarū gentium laudes cessit. Hinc Arabum & Pœnorum aliorumq; autorum uolumina in tanta rerum inopia recepta sunt: hinc attonitæ quorundam persuasiones prætiosa externa & aliena existimantium, quæ item in latinum male uertendo recentiores Romanam atq; Græcam dignitatem relinquentes, confusis rerum nominibus ad ineptias redegere. Primordium omnium malorum ex Arabia fuit. Fuit enim semper Arabia pestilens humano generi: sic Mahometus, sic olim Cham & eius progenies, hi malorum demonum cultum

cultum induxerunt: ille uero Mahometus ueri dei mira uirtute constitutum sustulit. Ex eadem progenie procreati sunt ille impius Auerrhous pariter & Auicenna. Erantque illi ingenio acuti, uersuti tamen, & impuri, qui non tam discere quàm deprauare studuerunt, & uetus & nouum sacrarum scripturarum testamentum. Nam acumen ingenij in animo facinoroso, peiorem in partem omnia semper interpretatur: Quapropter ipse Augustinus in libro de doctrina Christiana diffuse docet & philosophorum dogmata, quæ uera sunt, ab ipsorum libris, quasi ab iniustis possessoribus in usum nostrum uendicanda. Sic & Arabum dogmata quæ uera sunt, ab ipsorum libris tanquàm ab iniustis possessoribus accipienda sunt, & in usum nostrum uendicanda. Quare præcipiebat Corinthijs Paulus Doctor gentium, ut cauerent, ne per inanem philosophiam seducerentur, secundum traditionem hominũ, non secundum Christum. Caueamus igitur, ne per inanem ac barbaram Arabum medicinam seducantur Latini medici, secundum traditionem Aboali, Auerrhois, Rasis, non secundum Hippocratem, Galenum, Paulum Aeginetam, Cornelium, Alexandrum, aliosque Græce & Latine scribentes. Eo uitij Genere nostra tempestate non parum multi metiuntur curiosius quid Auicenna, quidue Rasis, aut Auerrhous ille impius apostata, quàm quid præceperit Galenus uestigantes: semper addiscentes, ut inquit Paulus, & nunquàm ad ueritatis scientiam peruenientes.

Medici

MEDICINAE INVENTORES.

MEDICINAE autem origo, siue Hebraeos, siue Persas sequaris, siue Græcos Aegyptiosq; theologos, ab ipsa diuinitate manauit. Nam Hebraei, Arabes, & Persæ primum humani generis parentem Adam eam diuino lumine sapientiam adeptum asserunt. Secundum uero ueteres Apis, Aegyptiorum rex, uelut alij, Mercurius Trismegistus apud Aegyptios repererunt. Reliqui uero Apollinem ab hominum deorumq; parente Ioue illam suscepisse uirtutem ad humani salutem generis tradidere. Qui deinde Aesculapio reuelauit. Qui uero eos secuti sunt, & innumeri penè reperiuntur: sed præcipui fuere apud Græcos: Centaurus, à quo Centaurea herba: Hippocrates Chous: Asclepiades Prusiensis: Archigenes Græcus: Antonius Musa Augusti medicus: Euax, rex Arabum, qui de herbis & lapidibus scripsit ad Neronem: Sabot, rex Medorum, qui librum de atra bili & cura illius composuit: Mithridates rex Ponti, qui librum de remedijs aduersus uenena edidit, cui duæ ac uiginti parebant linguæ: quorum Commentationes & exempla Pompeius Magnus in Latinam linguam Aleeno liberto suo transferri iussit. Sabid Arabum rex ob medicinæ peritiā apud reges maximos habitus est existimatione maxima, in qua ita emicuit, ut etiā medicinæ studiosus aliquando egrotantibus amicis opem tulerit. Ginges pariter Medorum rex in medicinis clarissimus, adeo gloriæ & honoris cupidus, ut à maximis etiam negotijs non terreretur. Adrianus imperator cognomento Helius consobrinæ Traiani filius, qui, ut scribit Helianus

nus historicus, utraq; lingua eruditus, musicae medicinaq;
 artis scientissimus. Qui uero post istos scripserunt ac secuti
 sunt, & innumeri penè reperiuntur: quales fuere Galenus
 Asiaticus Pergamenus, inter omnes autor præcipuus, Pau-
 lus Aegineta, Alexander Aphrodisæus, Oribasius, Apollo-
 nius, Glaucias, Themison, Dioscorides uir militaris: Pœni
 etiam multi, quales fuere Rasis, Aliabbas: plurimi Arabes,
 prout Auicenna, Auerrhous, Auenzoar, Albatarius: item
 plures Latini, quales fuere Plinius Neocomensis, Corne-
 lius Celsus Romanus, Antonius Musa: item Hebræi plures
 ut Rabi Moses, Isaac filius Salomonis, Galahat: plures
 item Galli, prout Critias ille percelebris medicus Masi-
 liensis, Ausonius poëta ac medicus Burdegalensis. Alij plu-
 res reperiri possent apud nostros, adeo noti, ut prolixiori
 narratione nequaquam indigeant.

SYMPHORIANVS CAMPEGIVS

Eques auratus, optimis medicis iuxta ac maximis

I. Braillon Parisiensi, atq; Hierony-
 mo Montuo Allobrogi,

S. D.

NON possum non indolere, uiri præclarissimi, tan-
 tam uecordiam in nostræ disciplinæ professoribus,
 tot seculis uiguisse: ut reiectis purgationibus literis, hoc est
 Græcis Romanisq; sordidissimas nebulonum quorundam
 nenias, tanquàm cœlitus demissas, exceperint. Indignum
 (ita me deus amet) facinus, nullis bobus, nullisq; uictimis ex-
 pian

piandum. Iam eò insolentiae ac temeritatis deuenerant Arabi principes, ut nobis medicam artem funditus auferre audacissime conarentur: quandoquidem castra soluentes in Græcos ac Latinos omnem belli impetum conuertebant, multaq; millia processerant, cum deus Opt. Max. (cuius est hoim repente & cōsilia & animos immutare) ut augur sanctiss. Lucæ precibus & orationibus flexus, auxilia rios milites demisit, qui obsidione miseros, Hippocratem, Galenū, Dioscoridem, Paulum Aeginetā, & nostrum Celsum Cornelium, iam deditiōem cogitātes, eriperent ac liberarent: idq; quanta sit confectū diligentia, in confesso est. Hippocrati non pauci auxilio fuere, Galeno ab Arabum principe oppresso strenue adfuit Vicētinorum dux: præterea ex Gallia Copus, ex Anglia Linacrus, bone deus quo studio, qua alacritate. Porro Dioscoridi Gallorum uirtus ac ferocia, Venetorum prudentia, Florentinorum diuitiæ opem tulerunt. Quapropter factū est, ut disciplinæ omnes multo purgatiores ac synceriores in lucem prodierint, & ut tanta generi humano commoda accesserint, ut qui olim Arabs medicus unum aut alterum sanitati restituisset, nunc ueritate patefacta, decem posset. Quippe (ut cæteros errores missos faciamus) quam inepta quamq; absurda super exhibitione Clysterum posteritati reliquerint fullones isti, uobis censoribus diligentissimis cognoscēdum commendando, qui & doctissimi estis minimeq; maligni, quiq; in hoc negotio præter alios non instrenuam operam præstatis: idq; propterea libellum quem de Clysteribus conscripsimus uobis nuncupare cordi fuit: quoniam hoc quicquid est industriæ nostræ doctis candidisq; non uulgariter placiturum

citurum noueram, Patere igitur, nunquam satis laudate
 Braillon, ut tuis auspicijs tuoq; presidio in lucem exeat
 hæc quantulacunq; opella: quandoquidem exploratum
 habeo, si quispiam supersit Lutetiae Campegiomastix, no-
 minus tui splendore territus obmutescet. Te uero Hie-
 ronyme, apud Allobroges mihi defensorem & patronum
 paro, qui etate, ingenio, doctrinaq; plurimū potes obgan-
 nientibus sycophantis incommodare. Interca se-

liciter uiuite, beneq; agite, & quicquid
 est huius ausi boni consulite. Va-

lete literarum duo lumina,

Lugduni ex biblio

theca no-

stra,

Calendis Mart.

M. D. XXVIII.

Clysterum

CLYSTERVM

CAMPI SECVNDVM GALENI

mentem, ac Græcorum medicorum doctrinam: qui
bus quicquid in libris ipsorum reconditum ad
clysterum utilitatem, ad medica artis ne-
cessitatem cōferri quoquomodo possit,
contra Arabum traditionē, in com-
munem medicorum utilitatem
summa cum diligētia con-
gestum, in lucem pro-
pagatur à Dño

SYMPHORIANO

Champerio, Equite aurato, ac Fauergie dño.



DOCTRINAM quam medicorum
facile princeps Galenus de clysteribus
omnibus suis doctissimis libris confir-
mauit. maximeq; in eo, quem de clyste-
ribus inscripsit, Arabibus quibusdam
& Barbaris deprauare placuit: quod
non intelligendo, aut eius doctrinam nobis inuidendo fortè
contigit, mendacium ueritati præferentibus, & hoc quasi
cognitionis compendium his qui eorum iudicio ducebantur
attulerunt: & quæ in Galeni de clysteribus uolumine
errata offendisse falsò iactabant, breuium capitum iudici-
bus publicarent, atq; ut huiusmodi commento detestationē
eius quem impeterent obtinrent, & ab his (quibus recla-
massent) curam exterriti lectoris abstraherent. Quam ob
ram

rem ne incautus quispian garrulorum istorū uerbis fidem habeat, aut posthac decipiatur, atq; ut cognoscat posteritas, Galenum nostrum multo uerius doctiusq; super hac re scripsisse: paucis eorum inscitiam refellam, doceboq; quanta in caligine uersentur Auicennistæ, hoc est, ij qui malunt Arabice quàm Latine aut Græce medicari. Non possum grauius non ferre, tam tristem ignorantiam in genus humanum scuire ac debacchari tanto temporis spacio. Quis nō uideat plus esse ab Auicennistis quàm a morbo periculi? à quibus uitæ spes pretio emitur, unde mors certissima profiscatur. Quare Laconice (ut dicitur) Galeno duce ad examen rationis adducere libet, quæ de clystere promissimus.

DE CLYSTERIS INVEN

tione & origine.

CAPVT II.

CLYSTER clystêris latine id est lauamen: nō quo uulgus Arabum abutitur in neutro genere clystêre clystêris: scribunt ij in suis receptis, fiat clystêre, detur clystêre. Clystêre aluum lauare purgarēue soleamus. Pli. Cucurbita infusa clysteribus intestinorum omnium uitij medetur. Macer tamen herbarū uires describens penultima correpta utitur:

Appositus digitis aut intus clystere fufis.

Huic fides non habenda, nam mere Latinus non est. Latine medicantes proferunt, exhibeatur clyster: ut mille alia uocabula & modi, quibus supersedeo. Dicitur & clysterium à quibusdam. Excogitati sunt & auricularij clysteres, quos contenchytas uocant: & uteri, quas metrenchytas, & recti syphones, quibus in uesticam aliquid infunditur

b

tur

tur, quos catheteras dicunt. Vsum clystêrum in Aegypto
 auis quædam nomine Ibis indicauit, Ciconiæ ferè similis,
 & ipsa quoq; serpentum pernicies, hæc rostri aduncitate
 per eam partem se proluit, qua reddi ciborum onera con=
 sucuere. Hinc clystêrem facere primum didicerunt, ut scri=
 bit Galenus introductionis medicorum cap. primo.

ARABIBVS AC BARBARIS NO=
 uitij medici nimium tribuunt.
 CAPVT III.

MAXIME uellem ac summopere optarem, ut
 quum ceteri Christiani homines, tum uero qui
 medici uocantur, non tam pertinaci animo Arabicam, hoc
 est Barbaram philosophiam ac medicinam excolerent, nec
 Hippocratis aut Galeni aliorumq; priscorum medicorum
 laudem in Arabiam transferrent: quandoquidem impuden=
 ti fiducia, ac perfricta (ut aiunt) fronte Galenum primas te=
 nentē, totis uiribus pessundare conati sunt: in cuius locum
 sufficerent suum Abohali: pessime (ita me deus amet) de
 Pæonia ac medica arte mihi sentire uidentur, qui eam pu=
 tant barbaro præsidio indigere: quod nequaquam factita=
 runt, quorum tam multis seculis præclara monimenta rece=
 pta sunt: inter quos Aegineta Paulus, Alexander Aphrodi=
 seus, Orybasius, ex Latinis autem elegantissimus Celsus:
 qui tetra ista barbarie totum occupant orbem. Multis an=
 nis in tenebris uixit, cum blattis & tineis rixando: nam
 quid cum amaricino sui? Verumenimucro excellentissi=
 morum uirorum sedulo officio, ac peruigili cura reuoca=
 tus,

tus, tandem à tenebris nobis restitutus est, atq; cum eo omnis uetus medicina caput attollere cœpit: Horum nomenclaturam hic subscribere non erit absurdum: & si uino uendibili hædera non opus esse satis superque cognoscam: Ex his Veronensis Benedictus sua Anatomice clarus, nostri anātissimus: Thomas Linacrus, qui magnam Galeni partē eleganti & exquisito sermone Latinā fecit: Nicolaus Leoniceus Vicētinus omni doctrinarum genere clarus homo, qui non pauca Latinis reddidit: Guilieimus Copus Basiliensis, Delphini medicus primarius, Hippocratis Galeniq; interpres suauissimus: Ruellius cui plurimum Latina lingua debet, ob id quod Dioscoridē ciuitate Romana donauerit, Et hi sunt Hippocraticæ Galeniq; & omnis priscae medicina imitatores ac instauratores, & in arte Apollinea firmæ columnæ. Quod si accurate animaduertamus: & perpendamus: quicquid apud Patauinos, Papienses, Montisq; pedenses (quos Pessulanos nominant) nostris temporibus hæresum fuit, in hac arte medendi (quas non paucas fuisse accepimus:) id omne ex Arabum ac Iudæorum fontibus nasci & exoriri facile quiuis perspicit: quorum non modo non cōmoditati erant utilitatiue præcepta disceptationesq; garrulæ, & fuitiles, sacratissimæ arti medicæ, uerumetiam maxima incōmoda afferebant, & maximam obscurissimāq; caliginem induxerunt. Inter hos autem Arabicæ doctrinæ cultores præcipui sunt Fulginas gentilis, Senensis Hugo, Foriliuiensis Iacobus, Sermoneta, Dinus, Thomásque de Garbo, Herculani, infinitique huius farine homines: qui tamen omnes censuerunt, non posse empiricorum hæreses extirpari absque fucatrice ista & questionaria medicina,

b 2 & id

& id adhuc horum simiæ inflatis buccis glorioſæ iactitant:
 quarum tamen (ut omnibus in confefſo eſt) ſeminarium exi-
 ſtit. Vides ignorantia quid facit? non intelligunt profecto
 ruſtici iſti & latratores, ſe piſſimæ ac puriſſimæ antiqui-
 tati imperitiæ dicam ſcribere: quæ in expugnandis empe-
 ricorum methodicorumque ſectis ſophiſtarum arma nō ha-
 buit: Scpenumero Galenus, contra Theſſalum methodico-
 rum anteſignanum, identidem aduerſus antiquum empe-
 ricum Serapionem depugnauit acriter & ſtrenue. Depu-
 gnauit inquam & expugnauit, ac tanquam imbelles & ni-
 hili dare manus ei coëgit: tandem in exilium tanquā Tar-
 quinius coniecit, neque redire paſſus eſt: ut qui rempub.
 medicinæ occupare audaciſſime tentarent. Odioſum puto,
 & execrandum medicinæ profeſſorem, qui ægrotum me-
 dicamentis iam uſu probatis curare non uult, ſed nouis ex-
 perimentoq; nō cognitis: Necnon & nautam qui inſuetum
 iter mauult tenere, quàm id per quod cæteri ſaluæ naui ac
 mercibus nauigarunt: itaq; eò inſolentiæ proceſſerūt Ara-
 bum ſcripta lætitando noſtri medici, ut ad omne (ut dici-
 tur) quare, clyſterem exhibendum eſſe cenſeant, arbitren-
 tūrque neminem dolore capitis laborantem aut uentriculi
 curari poſſe, abſq; infuſione clyſteris. Inquiunt etenim, eo-
 rum principem ſcripto prodidiſſe: clyſterē eſſe medicamen-
 tum nobile. O tempora, o mores, Abhoaly ſcribit nobile
 eſſe medicamentum, quod per turpiſſima & fœtidiffima
 loca, ſuas operationes exercet ac perficit. Sed literis euan-
 gelicis relictum eſt nobis: Vche qui dicitis bonum eſſe ma-
 lum, & malum bonum: & lumen eſſe tenebram, & tene-
 bras lucem, nigrūque candidum. Similiter uehe qui dicit
 turpe

turpe medicamentum nobile, quum nobilitas non dicat necessitatem, nec inferat necessitas nobilitatem.

Cerebrū apud Galenum, est corde nobilius, quia in eo perficiuntur actiones nobiliores, intellectiue scilicet, & quod in nobiliori sit positum sede.

Cor autē magis necessariū fertur, & quod primum uiuens, postremūque moriens. O sermo improprius, sermo Barbarus, clyster nobile instrumentum, nobile à fecibus, ab excrementis fœtidis, nobile à flatibus.

Verūtamē lector amice mirū tibi uideri nō debet, si uoce & oratione Barbarus, re & moribus itidē esse uoluerit.

Apud senatū Romanū non licebat olim neque ciui, neq; hospiti lingua peregrina loqui, at solum ipsius urbis uernacula: uos autem Christianæ religionis, artem medicam profitentes, Mahometicum sermonem mordicus tenetis, & huic potius quā Christiano hæretis: uerum multis in locis aduersus Barbariem uestram dabitur tempus dicere: quandoquidem impresentiarū manifestare decreuimus clysteris per sedem exhibitionē ad infernarum partium morbos à priscis medicis edoctam: utpote alui, omnium intestinorum, renum, metræ, uteriuæ, epatis ac uesicæ, & omniū huiusmodi: non autem uentriculi capitisue, uel cæterorum superiorum membrorum, & longe ab aluo distantium: id quā diligentissime potero discutere & aperire, ijs quibus medicina uetus non est inuisa, conabor: ut super hac re post tot scriptores frustra scriptitasse non uidear: nonnihil etenim ex nostra quantulacunque doctrina censuraq; præter illos in medium afferemus. Ad quod quum iam pridem animati essemus, tamen currentes (ut est in adagio) incita-

b 3 uit

uit disceptatio quæ nuper nobis apud Lugdunum in cuius-
 dam Lucensis (circa spinæ medullæ ortum uulnerati) cura-
 tione incidit, cum Ioanne Guilicmo Auenionensi medico,
 Montipessuli doctore, in Arabica doctrina exercitato, pa-
 ritèrque, ut a suis quotlibetarijs fertur, bene acuto: cuius
 disceptationis summa (ut breuibus expediam) hæc erat: sci-
 licet de exhibitione clystêris in huius Itali uulnere. Non
 dubitauit bonus ille Auicennista aut gentilista (ut sic dicam)
 affirmare constanter, pertinacitèrque defendere infunden-
 dum potius per inferna medicamētum: quàm per superna,
 quo materia uulneris deorsum ptraheretur, purgareturq;
 per inferius: reclamantibus tamē Gabriele Syluio Montis-
 pessuli doctore & Germano Agrippa uiro multiscio, Ioā-
 nes hic Guilicmus ad ægrum nostrum quum adijisset, ibi
 nos tres haud sanc multum occupatos offendit: sedebamus
 etenim cum chirurgis duobus artis chironiæ peritissimis
 Ioanne Burino & Andrea. Hic inquam mox ubi pulsum
 (ut moris est) tetigit, quasi prohemio quodam ad rem tem-
 pusque accommodato proloqui exorsus est, sermone ora-
 tionèue Arabiam referente: Domini mei iste noster patiens
 indiget euacuatione, oportet ipsum purgare cū Enemate,
 quia nobile est medicamentum, ut uult princeps Abhoaly.
 Ad hæc autem respondens ego: perdifficilis mihi & impri-
 mis ardua uidetur quæstio, non solum apud græcos, uerum=
 etiam Arabas Barbaros, an uenterculus attrahere queat
 medicamen in intestinis existens, an uero uirtus pharmaci
 quod in aluo est à capite, collo, spinæ, uentriculo, absque ui
 & perniciæ. Hæc enim quæstio nodosa & non parum mo-
 rosa est, & haud scio an tibi cognita: uellem igitur ut mihi
 non

non Guilichmus esses, sed Oedipus: uerum ubi tam repente hominem perturbari conspexi, hoc pacto hunc alloquutus sum: Nō est mi Ioannes cur adeo commouearis cum nobili pharmaco tui Auicennae, iure tamen uicem tuam indolere potes, si hūc scrupulum qui multos male habet, non remoueas, qui in Auicennae canonibus & Forliuij propter quid, consenueris, peruigilique studio eorum scripta euoluendo ad caniciem perueneris: quod affecutum esse tuum Abymeron Auenzoar sapientem uide: aperto igitur Auenzoar libro, manu ducens eum indicaui locum, quem super hac conscripserat: quo non parum refrixit calor ille quem (opinionē Auicennae fretus) conceperat: nam id ex Galeni auctoritate Auenzoar literis mandauit: Multa sunt ad hoc pertinentia apud Aeginetam Paulum, Aphrodisaeum Alexandrum, Claudium Galenum, quos si tibi lectione familiares effeceris: probe & ad unguem nouisse potuisses: sed qui hos perlegisset, quum uir alioqui Arabice doctus disserterem, si sapientem illum (nisi nomine tantum) nouerat, ob id ferociter repugnabat dictis meis, sed ob oculos obtruso libro, Galeni uirtute munito, tanquam attonitus obmutuit: sic dimissa consultatione imperfecta & truncata abiuius. Hic ascribam ipsius Abymeron uerba: quia memoria dignissima & ueterum medicorum studiosis imitatoribus non incucunda fore sperauimus: & ad salutem generis humani (quae tot iam seculis in tam grauibus periculis est uersata) non incōmoda. Hi namque garruli ex tranquillissima re in dissidia periculosa medicinam coniecerunt.

b 4 Abymeron

ABYMERON AVENZOAR DE
 clysteribus opinio.
 CAPVT IIII.

AVENZOAR inter Arabas uir in medica arte (Auerrhoë teste) eruditissimus, & in morali philosophia non uulgariter doctus, in legis Mahumeticæ ac nefandæ assertionem neruosus, ingenio subtili & acri, eloquio (more Arabum) Barbarus, uitæ apud suos probitate conspicuus: id propterea appellationem sapientis præclaram nactus est: multa posteris ingenij sui monimenta (quamuis Barbaræ lingua) non pœnitenda reliquit: ut qui potissimum Galenum sibi ducem proposuerit. Ex his autem unum apud me habeo, cui titulus Thesir præfixus: opus non elegans, at sententijs refertissimum, atque ab Auerrhoë (supra quàm cuiquam credibile est) laudatum: ut non dubitauerit omnibus medicinæ Arabicæ scriptis præferre. Quare operæ precium nobis uidetur hic subscribere ipsius Thesir uerba, quæ libro primo, tractatu decimo, capite decimo octauo & postremo leguntur. Quidam (inquit) nunc reperiuntur medici, qui probare nituntur alimentum nequaquam ab intestinis recipi per sedis infusionem posse, ut ad uentriculum deueniat: & hæc Galeni dictis fulciunt iniquientis, quod neque ad ea quæ uicina uentriculo sunt subire potest quod per sedem infunditur: quo argumento afferunt nutritionem per inferna iniectam exhibitamue ad stomachum repere minime posse: uerum enim uero hi nimis quā falluntur: comparando medicamenti infusionem per clysterem, alimento
 hac parte

hac parte quoque exhibito: quandoquidem in confesso est,
 uiolētiam impulsūue & impetum clystēris haud esse tam
 acrem, aut uehementem, qui ad stomachum pharmacum
 deleet: eāque gratia, quod intestinorum facultas attracti-
 ua uentriculique medicamina inuisa habet, & sic non at-
 trahunt, imo potius expellunt, deijciunt, ac detrudunt: Ali-
 mentum uero humanæ naturæ amicissimum & maxime
 necessarium (ut pote quo semper indigeat) ubi intestina di-
 ligenter abluta & expurgata fuerint ab excrementis &
 fecibus per partes inferiores datum, idque esuriente uen-
 triculo, ac uigente in intestinis attractiua ui ab intestino
 ad intestinum raptum & deriuatum, ad uentriculum usq;
 perreptat: Neque in clysteris medicamentis uim ullam
 esse quis arbitretur, qua ab infernis partibus ad supernas
 natando conscendant: quemadmodum fuluæ flauæue bili
 usuuenire clarum est: quæ nonnunquam ad ani usque fun-
 dum deorsum fertur, ubi magna sui acuitate & ardo-
 re feruenti ingruat stimulatque deiectionis cupidita-
 tem: nam (ut ait Galenus) contingere potest hominem
 diutissime continere feces, & stercora necessitate ingru-
 ente ac urgente, ut pote in conuiujs lautis accumbentem
 ac in coetu & contione præclara assistentem: ita quod bi-
 lis illa acuta ad superna recurrat: quum ad uentriculum
 ascendat: quæ quum sit humanæ naturæ aduersa, protinus
 uomitione excernitur: Hactenus sapiens Arabs. Dic quæ-
 so candidissime lector, nonne indignum, & egre nobis
 ferendum, tot ineptissimos & erroribus scatentes libros,
 non modo nō flammis iniici in publico positos more maio-
 rum, uerumetiam apud nos in honore & præcio esse ma-

ximo : ita ut non præclarissimis prisca medicine patribus Hippocrati & Galeno solum conferant, sed & (si dijs placeat) anteponāt, & omnia quæ Abhoaly, aut quotlibetarius Foriliuësis, Fulginas, aut Hugones, Calculatores, Garbones exarauerint, pro uero recipiunt, & tanquam ex tripode aut oraculo (quantumlibet sacro) excipiunt responsa. Quare non possum me continere, non possum meo animo imperare, quin male precer ijs, qui in causa sunt, & qui nos ad questionariam medicinam à tribus Galeni nunquam satis laudatis doctrinis transtulerunt. Dij itaque uobis male faciāt Patauini, Salernitani, Ticinenses, Montisque pedēsēs, neoterici iniustissimi, qui principum uestrorum tyrannide in hominum perniciem & bonarum literarum calamitatem Arabes, Persas, Indos, Mahumetistas, ciuitates, gymnasiaq; uestra introire, & occupare permisistis: Videte quid feceritis, ad quam miseriam genus humanum redegeritis: male profecto inconsideratēque uel fecisse arbitror, nisi si incommodo nostro maloque gaudetis & exultatis: in locum ordinēque Hippocratis, Galeni, Nicandri, Oribasij, Aphrodisæi Alexandri, Prisciani, Plinij, Cornelij Celsi, Sereni Sammoniaci, aliorūque (ut breuiter loquar) Cygnorum suffecisse Picas loquaces & garrulos: Anseres obstreperas Hispalum principem, impium Auerrhoim, Rhasim Pœnum, utrunque Haly, ceterosque Mahumeticæ hæreseos assertores, qui non Rhomana, at Barbara & punica loquantur lingua: non morum ciuilitatem urbanam, sed agrestem rusticānāue præ se ferant immanitatem: non sunt ex Anseris progeniti, quæ capitolium olim Rhomanum a ferocia Gallorum clangore eripuit, Sed ex ijs originem traxerunt

runt, quæ in uijs ac plateis prætereuntes insibilant, & ad aspectum cuiusvis obstrepunt: inquietant isti nebulones ciuitates, pagos, rura nostra sophismatum bene (ut inquiunt) acutorum cauillo: & titillantibus argutijs ab idiotis, & uulgo nummos aruscant, & abradunt, ita ut merito aruscatores iurèque dici debeant: proh dolor adeo sibi placeant, suas erigunt cristas, ut Cygneam uocem cantionemque habere opinentur, quum tamen plane sit Anserina, aut (si maius) Coruina: quàm acerbum quæso nobis est qui Cygneam, id est, Galeni uocem non ignoramus, passim in raucarum anserum clamoribus obsurdescere. Cæterum si causa priuata magis quàm publica excitauerit, ausculta paucis, nam & meo iure commoueri debeo: nudustertius quidam in Arabum doctrina magnus (si quid tamen potest esse magnum in hac Barbara doctrina) audebat ingenti & petulantia fiducia Galeno Abhoaly antepondere. Cum alia multa proferens, tum illud à uero quàm alienissimum euomuit: nullus in locis suum principem errauisse, & potissimum in medica doctrina. Ego qui nossem hominem, non parui aliqui nominis & autoritatis, tanquam colaphum mihi inflixisset, & qui nostro Galeno non leuem iniuriam faceret, in iram prolapsus sum: uerumtamen animum meum colligens & reprimens, eam relanguere permisi: quare inultum tunc temporis id a me abstulit, in aliud enim tempus uindictam producens & differens, grauius supplicium de eo sumere cogitabam. Ad hunc igitur subridens: Aperi quæso & propala doctrinam illam tui Auicennæ reconditam, quam Galenus ignorauit, & si me tuis rationibus uincas, Galeni castra deferam, atque in Arabiam transfuga aufugiam:

giam: Quibus perterritus uir bonus obmutuit, eoque dimisso, ad alia quæ me uocabant negocia properaui. Verum ne uos multis morer, & ne in enarrandis Arabum stultijs longius quàm proposueram euagetur oratio, ad clysterem redeamus: qui has mouit turbas.

Galenus inter medicos doctissimos clarissimus, & inter clarissimos doctissimus, libro methodij curandi quinto, exarata nobis hæc uerba tradidit. Quæ in intestinis ulcera essent bifariam esse curanda: nam (inquit) quæ uentriculo uicina sunt, his per bibita comestaque succurritur: quæ uero inferius sunt sita, per ea quæ iniiciuntur: quando neque ad ea, quæ uicina uentriculo sunt, subire potest, quod per sedem infunditur: nec integris uiribus ad inferiora pertingere, quod per os sit ingestum: Hactenus ille. Quis Galeno nostro doctius, quis excellentius ueriusque aliquid dicere potest in arte medica? Vides lector hunc ueritatis scopum attingisse? Idem Myamir nono cap. vi. de cura disenteriae, componit clysteres ex arsenico, & calce, & rebus perimentibus uenenatisque: quæ si ad stomachum pertingerent, periret profecto æger: quare naturalis calor non eodem operatur modo in aluo & intestinis, quemadmodum in uentriculo qui totius corporis est coquina. Dicet forsitan hic aliquis, in apoplexia exhibentur clysteres: hoc tanquam ex Apolline acceptum memori mente recondant, non infundi clysteres, ut caput purgent, & ab eo trahant curatione canonica, sed ut moueant & irritent naturam succumbentem & desperatam: non ignoramus etenim senem Cœm in aphorismis præcipientem: extremus morbis extrema exquisita remedia optima esse. Vocat autem (inquit Galenus)

morbos

morbos extremos, summos, ultra quos non sunt alij: ex his autem attonitus morbus est, quem Græci apoplexiam uocant, de qua senex ibidem.

Soluere morbum quem apoplexiā uocant fortem impossibile, debilem uero non facile: hæc autem curatio adhibenda, potius quam hominem nihil agēdo perire sinamus. Nuncupatur autem ab istis coacta cura, non regularis. Prohibet omnibus in locis Galenus fortia & acria medicamenta in infusione clysteris misceri, nullisque in morbis commiscenda monet: nisi forte in curatione difficultatis intestinorum, quæ a Græcis disenteria dicitur: componit tantum ex melle solo & oleo & aqua. Idem & Aegineta Paulus censuit, cuius circa finem librum citabimus: Celsum quoque Cornelium producemus de alio injicienda, quos omnino contempserunt posteriores.

ARABVM, POENORVM, AC

Phariseorum de clysteribus opiniones.

CAPVT V.

QUod Galenus accuratissime uerissimèque ad posteror, de medicamentis ex inferioribus fundendis, hoc est clysteribus mandauit, Pharisei non pauci dehonestare ac deprauare conati sunt: & sane quidem inquinassent ac perdidissent, nisi Christus optimus sorti humanæ, per uiros probos, & literatos medicæ arti (quæ ab eo propter necessitatem creata est) opem tulisset: qui nobis eam tanquam ab inferis reuocauerunt, ac è Barbarorū (quæadmodū Camillus è Gallorū imperio rem Romanam) eripuerunt. Istorū autem Arabum propositiones hic ascribā, quarū prima hæc erit.

Clyster:

I. Clyster, licet euacuet materiam, quæ dolorem concitauit: ab omnibus intestinis: crassius ac gracilibus: tamen inferioribus magis quam supernis auxilio est, mediæ circa mediâ actionem operatur.

Corolarius: magis igitur purgat infima minus superiora, mediocriter media.

II. Conclusio. Clystêris uirtus uaria est: quandoquidem ubi ab infernis inanire aluum, & euacuare libet, minoris quantitatis debet eius esse decoctum, quando uero à summis uberius, à medijs moderate & mediocris.

III. Est contra Galerium somniantis ac delirantis Auicennæ (stertit nempe ac desipit, Galeno peruigili ac sapiente, identidem Abhoaly) Iuuat (inquit) superfluitates a primis partibus principalibusue attrahendo: utpote stomacho, ac epate clyster. Sed dic amabo, quoniam a supernis euacuat: quum prodideris clystêres acrium medicaminum epar debilitare, tum febrim accersere: sed ea possumus, quæ iure possumus, non quæ ui ac nocumento noxæ facimus. Medicus a mediocritate nomen sumpsit, quæ in eo præcipue debet uigere, ut iuuat naturam non impediat. Si a superioribus traherent à Galeno conscripti clystêres, & ad uentriculum pertingeret, ex Arsenico & calce commixti, quæ adurunt rodunt, & exedunt: Arsenicon enim ut scribit Dioscorides lib. 7. cap. 75. crustas ignis modo, cum feruore, & uiolenta erosione inducit: quare Galeni medicamina non solum non prodesse, uerum perimerent, & enecarent, & si morbus non adesset, euocarent: ideo non medici appellatione dignus esset, at homicidæ.

IIII. Clystêres duobus modis ex supernis trahunt: primo per formam

per formam indiuidualem (quam specificam, siue propriissimam, aut occultam physisi nominant) hocque pacto clyster ex Agarico, Turbith, aut Scammonca: uerum id Galeno, Paulo omnique ueteri medicinae relictatur: Quippe pharmaca quæ ex inferiori parte infunduntur, sine uio lento impetu & nociuo minime trahunt a supernis membris: potiusque quum acria sint detruduntur, minus namque facile sustinentur: nos tantum possumus: quæ iuuare possunt, non detrimentum & perniciem apportare: quod si eueniat a superioribus trahi superflua: erit in causa plenior, & uberior decocti exhibitio, quæ a flatibus ad uentriculū usque eleuatur: Ideo de potentia in actum, a calore stomachi redactum medicamentum: hoc pacto actionem perficeret: quod si in intestinis & aluo mansisset, nusquam proculdubio de potentia in actum perductum fuisset: quod propterea, in difficultate intestinorum, Clystêrem ex Arsenico & calce moderate iniici oportet, ne forte sic deriuata ad stomachum, noxam ei non leuem afferrent, & animalis corpus totum pessundarent. Porro in attonitis, id est apoplecticis, Lethargicis, ueternosis acres si infundere expediat clystêres, maioris quantitatis sit decoctio, ut exactius a capite repellant, & euacuent superflua, non intestinorum facultate (quæ parua est) & fecium latrina, immo uentriculi uirtute in quo corporis coquina peragitur. Secundo autem modo attrahunt à mēbris clystêres (ut censent Arabes) uirtute cōmuni, sicque trahūt hi q̄ sunt abstersiui & ablutiui repellēdo & discutiēdo superflua ab orificijs uasorū, quæ ad itestina terminātur, ob id

ob id (ut aiunt) humores a summis partibus mediantibus istis ad aluum deueniunt, pariter (ut opinantur) acria medicamina trahunt, uirtutem expultricem stimulando, unde accedit motio uehemens, ubi a superiori parte deorsum uersus fit attractio: uerum (ut prædiximus) non possunt hæc absque damno, & incommodo, & uiolenta ui, naturæ inimica, & ueneni periculo præsentis: quoniam membra superiora non trahunt & appetunt: quæ sunt eorum maxime contraria, at satius quæ delectant & similia sibi sunt concupiscunt. Simile enim gaudet simili, antiquo prouerbio: prudens natura, edocta trahit quæ familiaria sibi esse percipit, contraria uero refugit & detestatur: nisi si ab alio fortiori impedimentum ei cadat.

V. Profunt clysteres expellendo & abluendo quæ relinquuntur a pharmacis: Nam mox ab aluo & intestinis propulsant: quamobrem post eductorium medicamen, postridie præcipimus dari in aluum clysterem ablutiuum, ne longam moram in intestinis trahat uis nociua.

VI. Abhoaly ait acriores acutioresque clystères debilitant epar, caloris eorum gratia: unde febrim euocant, & concitant.

Tecum igitur princeps iam iam ut disceptem tempus suadet. Scribis hos iccori debilitatem inferre, febres ingenerare, quæ Hercle maxima sunt incommoda: Nam hepar in corpore nobili fungitur officio, ac particulis omnibus eius opus pernecessarium est: Galeno vij. methodi curandi teste, quod si intermittitur, corpus non leue periculum subit: quare fit, ut intelligentes huius particule, tum functiones, tum usus haud difficulter inuenient, quatenus eius robur custodiri

custodiri oporteat. Ad eundem ergo modum & quaecun-
que partes alijs autores facultatum sunt, harum quoque
robur seruare decet, pro facultatis earum usus portione: fe-
bres uero sic abortiæ & ingeniæ, quid mali animanti præ-
beant omnibus palam est. Te igitur palinodiæ reum ago:
qui uituperes aliàs clystêres acutos, aliàs exhibes. An ne-
scis medicum auxilio esse naturæ debere, haud impedimen-
to, nec morbos introducere: quãdoquidem ut censet Plato
nono de legibus uolumine: Medici curantes, qui occiderint
sponte, morte plectantur:

Tempus exhibendi clystêrem esse debet: inanito uen- V I I.
triculo, nisi fortè ultra quàm oporteat, debilis esset fame
nimia: quoniam utilius esset ante infusionem aliquid cibi
tenuis offerre: præterea uirtute existente debili, non debe-
mus iniicere clysterem: imò huius loco glandem balanumue
imponere: Insuper tempore frigidiori: tum non protinus à
lauacro balneoue, ne ægro æstus superfluous accidat: quan-
doquidem lauacrum ebullitionem concitat, humores dif-
pergit per totum corpus, hosque ad exteriora pertrahit:
quare quum balnei & clystêris motus contrarij sint, malū
erit si lauacrum continuo consequatur clysterem: uerum
balneum potest præcedere clystêrem duarum aut trium in-
teruallo horarum à lauacro: ctenim humores succiue faci-
liorem exitum ac euacuationem obtinent. Cæterum clystê-
ris usum sternutanti bonum minime esse tusientique Ab-
hoaly censet.

Clyster securum est medicamen, non tamen nobile. V I I I.
Prima pars certa est, considerando loca à quibus primum
euacuat: nempe ab intestinis, præcipue malos redundan-

c tésue

tésue succos depellit. Secunda uero (ut quæ lippis & ton=
 soribus nota) probatione haudquaquam indiget: quando=
 quidem à priscis Hippocrate & Galeno cæterisq; doctis=
 simis adhibita, ad ablutionem tantum alui intestinorumq;
 quæ sunt secum & excrementorum corporis receptacula:
 quæ si longiorem in his moram traherent, aluiusque atri=
 ctior esset, animantis corpori non leuiter incommodarent:
 tamen non debet appellari nobile medicamentum, quod
 tam rancido & uili fungatur munere, cuius disputatio tam
 foetida uel legentium nares possit offendere. Scribit Aegi=
 neta: ueteres satis esse putabant ad bonam ualitudinem tu=
 endam, si cottidie & alui onera & urina, cōmode & sine
 reprehensione pro alimentorum potionisque multitudine
 deijcerentur, atque procedente sententia laudabant. Nam
 quum edendum bibendumque nobis sit, necesse est excer=
 nendorum curam rationemque haberi: necessitate igitur
 cogente, clystère aluum lubricam reddimus, quem tamen
 nobilem minime appellabimus, sed necessarium natura no=
 bis auxilium denegante. Sic quoque in ædium structura
 maximo usui est latrina, & magnopere necessaria, ne fe=
 culento tetrōque fetore stercorum aër inquinatus, graues
 nobis morbos, ac exitiales pareret: quinetiam in ciuitati=
 bus publicæ decernuntur ac construuntur cloacæ, ne pas=
 sim odor tam ingratus inuisusq; naribus nostris sese offe=
 rat: quæ licet quantūuis sint ædificatæ splendide, tamen ab
 eis, quantū possumus aufugimus, nisi si necessitas ingruat:
 prætereuntes insup nares sibi obturant, ne odorē p̄cipiant:
 non nobiles ergo, sed utiles & necessariae dicuntur. Por=
 rò hos qui has euacuant & expurgant munere, haud fun=
 gi nobili,

gi nobili, nemo cui mens adsit dixerit: uerum publice & priuatim necessarios atq; commodos non nescimus. Apud nostrates isti oletarij stercorarijue ordinis homines, notutantum uestpertilionum more obambulant, necnon suamunia perficiunt, nam lucem refugiunt, tum quia uulgo inuisi & ridiculi, sunt tum quia consuetudo conuersatioq; omnibus deuitanda uidetur ob ignobilitatem officij. Quis etenim ignorat caminorum expurgatores plebccule risum & cachinnum mouere? Quis nescit lebetum reparatores uulgum in risum conuertere? ita ut clamore munus suum indicantes explodantur, ac exsibilentur, necessarij tamen (ut qui maxime) reipub. sunt. Horum nihilo scius uilitatem & contemptum cloacarij isti longe lateque superant. Improprius sermo est: dicens nobilitatem ab utilitate & efficacia, aut à securitate dici debere. Apud Platonem nobilitas attenditur aut ex generationis parte, aut materiae, aut loci, uel ex parte receptionis. Clyster uero non uocatur medicamentum nobile ex parte generationis, ut satis patet: non materiae, quum omnino sit ignobilis foedaque: neque loci, quum sint intestina corporis cloaca latrinæue. Quapropter clyster crit efficax medicamen atque securum. Efficax operatione euacuationis, & id clarum est: Securum considerando partes, à quibus primum euacuat, quæ sunt ignobiles. Quippe intestina à natura constituta sunt, ad quæ corporis superfluitates descenderent, quare uilia sunt & ignobilia: quod uero purgat & mundat hæc, securum dicetur: propterea & efficax medicamentum securitatem facit. Non enim (ut Celsus senex ait libro de pharmacis) utile est uehementibus morbis me-

c 2 dicamenta

dicamenta eductoria offerre: sed si cui opus sit clystère ubi uolueris tute infunde.

CLYSTERVM GENERA

quatuor.

CAPVT

VI.

CLYSTERVM quatuor sunt genera, mollificatiuum, mundificatiuum, astrictiui, & dieureticū. Primum, id est mollificatiuum componitur cum mollificantibus, quales sunt malua, uiole, brancha ursina, bismalua, semen fœnugræci & lini. Recipe malua uiolarū bismalua brancha ursinae ana. M. j. seminis fœnigræci Lini concassatorum ana. P. j. fursuris, P. semis, fiat decoctio ad lib. j. in qua dissolue cocti mellis diligenter despumati uncias. ij. olei communis uncias. iij. cuius loco potes imponere butyri recentis uncias. ij. salis dragmā. j. Componatur clyster & exhibeatur ubi expedit. Secundum mundificans aliud lene, aliud mordax. Mordificatiuum componitur cum Mercuriali Malua, fursure, sale, rebūque acribus, ex quibus sal gemma & diagredyata, colochyntida Turbith Arabibus familiaria. Græcis autem & Latinis nequaquam: Lene ex Malua Mercuriali, sicla, cassia fistula, & huiusmodi. Astrictiui genus hoc pacto, Galas tere, tritas aque celesti misce, unāque sine sale bulliant, tum in colatura dissolue, Poligoni succum & Corrigiola, Arnoglossæ: Verum prius quā infundas astrictiui, mollificatiuum exhibueris. Dieureticū ex radice feniculi, lappæ, petroselini, paritaria, senatione, in quorū decoctione adde cassiam & benedi

benedictā uel lithumtripum, aut electuarium ducis, adiecto
oleo mellēque, & aqua marina salsāue.

GALENI AVTORITATES DE CLY=

steribus, ex diuersis ac uarijs ipsius Galeni uolumi=

nibus, quibus indicantur abusus errorēsque

Arabum neotericorumque no=

strorum.

CAPVT

VII.

PARTICVLA sexta de clysteribus: hæc uerba
exarata sunt. In febribus adurentibus clysterem ex
oleo tantum, & aqua exhibemus, ut disrumpamus calorem
ardentem. Præterea ibidem inquit: Quum repletur inte=

stinum (cui colon nomen est inditum) inde symptomata no=

ciua cadunt exoriunturque uentriculo, dolor scilicet, &

punctio: quandoquidem ubi id intestinum repletur exten=

ditur, exinde dolor accidit syphac, quo stomachus intesti=

nūque circundatur: uenterculus autem infrigidatur, nec=

non lacertus extenditur, qui extensus est supra stomachum

intestinūque ad intestinū: tunc uero patitur stomachus.

Quinto cōciliorum ita scriptum reliquit. Vbi huic qui diu=

tino morbo laborauit, uictūque neutrorum usus est spatium

temporis non paruo, clystērem inijcere cōuenit, astrictio=

rem aluum habenti, non acria infundenda sunt, sed oleum

tantum. Medicamētorum decimo. Confert (inquit) sepe=

numero matrici ulceratæ clyster ex lacte cum lapidibus

aut ferro cocto, usui est præterea laborantibus hemorrhoi=

dibus, sedēque ulceratam habentibus. Humorū primo: In

aluum ex parte inferiore salis aquam dabimus ei cuius in

c 3 intestinis

intestinis uulnera putrida sunt, ut abluat & squammas cor-
 ticæ sue attrahat, mox aut ubi mundatus erit locus, hinc de-
 mus per inferna quæ purgationem præparant. Epydimio-
 rum sexto literis mandauit: quando humiditates quæ pun-
 gunt in intestinis esse suspicabimur, primum necesse est in
 aluum dare, quod eas abstergat, & mundificet, & ex ijs
 est aqua mulsa & aqua ordeï. Excretis autem humidita-
 tibus infundemus quod punctionem leniat, quodque con-
 glutinet. De cholico dolore libro sexto memoriæ dedit.
 Clyster ex picis liquidæ partibus duabus, & ex tribus olei
 cholico dolori non uulgariter prodest, uentriculo haud de-
 bili existente. Cautio tamen sit tibi, ne acribus medicamē-
 tis in clysteris infusione utaris, cui uenter debilis est,
 da in aluū lenia pharmaca. Methodi curandi decimo. Cura
 diligenter lubricam facere aluum, huius qui febre conclusa
 laborat: huic autem oleum mel & aquā exhibe ex inferio-
 ribus. Myamir nono, de clysteribus in uentris ulteribus:
 Habētium (inquit) intestina ulcerata clysteres componun-
 tur, ex stipticis mundificatiuis digestiuis soporiferis lenien-
 tibus, absterſiuis cōglutinantibusq;. Exhibeantur autē hæc
 omnia secundum morbi uehementiam, uel horum aliqua.
 Porro cū his erit aqua farri & ordeï & uini austeri ali-
 quantulū. Methodi curandi quarto: ait. Quæ ulcera in inte-
 stinis crassius, ijs quæ per sedem iniiciuntur magis egent:
 quippe cui magis sunt p̄p̄inqua, quæ in tenuibus habentur,
 quoniam & longinquiora sunt & medio situ posita ambo
 requirunt, & quæ superne sumuntur & quæ per sedem in-
 funduntur. Paulopost. Nec immittere in sedē clysteris fistu-
 lam cōmode quæ absq; uel figuræ uel posituræ uel utriusq;
 indicatione

indicatione. Tam per penem iniicere medicamenta in uesicā
 sepe necessum est, igitur illud de cathetere apponere opus
 non est, quod eo probe uti omnino nequeas, nisi & positū
 & figuram totius uesicæ plane perspectam habeas. Eiusdē
 Methodi libro duodecimo: De doloris colici curatione non
 pauca diligenter doctissimēque posteris reliquit, multas
 super hoc enarrans historias. Hic quum de doloribus quos
 frigidus humor in medio intestinorum interclusus excita-
 uit, subiecit hæc: Sæpe ex plebe non paucos audias minus
 sibi dolere colon affirmātes, quum nec ipsis cataplasma im-
 ponitur, nec oleo aliquo perfunduntur, nec per clysterem
 aliquid infunditur: & sane qui generosi animi fortēsque
 sunt, si mediocri utuntur uictu, tutius longiori in tempore
 percurātur, quā qui uolēter. Libro octauo eiusdē ijs uer-
 bis scribit. Si omnino uenter astringatur pertrastatis prius
 præcordijs, mox toto uentre cōsiderabis, num cibus in gra-
 cile intestinum aut colon descenderit. Deinde ægrum in-
 terrogabis, qua maxime in parte uel rofionem uel graui-
 tatem sentiat: qualesq; habeat ructus: ubi ex ijs compertum
 habueris in quam totius corporis parte cōsistat, si in su-
 perioribus partibus pendet, aliquid diatriū pipereum da-
 bis, non medicamentosi illius, sed eius quod in opere de sa-
 nitate tuēda, ceu & simplicissimū & ijs qui cruditate labo-
 rarent aptissimū laudauimus: post deinde præcordia oēmq;
 uentrem perfundes, hæc uero si inferius descenderint quæ-
 uitiosa sunt facies pluris minorisq; ratione id uariās, siqui-
 dem plus & temporis & perfusionis exigunt ad præpara-
 tionem eorū quæ deinceps sunt agēda, quibus in superiori-
 bus uentris corruptū nutrimentū adhuc manet. Sin motum

c 4 notabiliter

notabiliter ad inferiora sit adiuuandum aut glande subdita, aut leui per inferius infusione est: utique si rosio simul adsit, hanc mitigantibus: si flatus, hunc comprimentibus: sin neutrum fuerit, ex melle & aqua paululumq; olei id quod subter infundetur facientibus. Vbi uero uehementior rosio uiget, sabinum oleum, in quo aliquid sæui anserni liquatum sit est utilius: si uero eius copia non est, gallinacei sæui: sin nec eius facultas est, caprini: quod si huius quoque est penuria, iniiciendum oleo parum cææ est, potissimum elotæ: flatus uero sanandi sunt oleo in quo Ruta & semina quæ flatus discutiēt fuere incocta, cuiusmodi sunt Appij, Cumini, Maratri, & Sinonis, aliæque huiusmodi. Libro eiusdē Methodi quinto. Quæ sunt (inquit) in intestinis bifariam curabimus. Nam quæ uicina uentriculo sunt, ijs per comesta & bibita succurritur, quæ uero inferius sunt sita, per ea quæ iniiciuntur. Quando neque ad ea quæ uentriculo uicina sunt subire potest, quod per sedem infunditur, nec integris uiribus ad inferiora pertingere, quod per os ingestum sit.

QVID DE CLYSTERIBVS

Aegineta Paulus, & Celsus Cornelius

scripserunt.

CAPVT VIII:

PAVLVS Aegineta lib. præceptorum salubrium cap. 44. Sunt (inquit) nonnulli aluo adstricta, quorum stomachus ob imbecillitatem non sustinet, ea quæ uentrem subducunt: ij clysteribus soluendi sunt, itaque retentam in intestino pituitam purgabimus, coquentes ficus aridas, Betam, Nitrum, agrestis Cucumeris radicem cum melle

41
melle atque oleo, uel Chamemelino, uel Anetino. Si uero
siccitas infestauerit, decoctū ex Althea & foenugræco, &
camemelis iniiciamus, oleum adijcientes, & paulum mel-
lis. Interdum etiam oleum per se, duorum acetabulorum
quantitate iniectum, desideratum præsidium attulit: hoc ta-
men nō assidue faciendū est, ne ob crebram irritationem na-
tura spontaneæ secretionis opus tradat obliuioni. Sæpenu-
mero glandibus utimur stercoris educendi gratia, ac in his
quoque quibus id quod per clystērem iniectum est non edu-
citur. Celsus autem Cornelius noster libri secundi capite
undecimo, ubi de deiectione conscribit. Quum alius iniiciē-
da est, si leni medicina contenti sumus, pura aqua, si paulo
ualentiori mulsa, si leni ex aqua in qua foenugræcū uel ptisa-
na uel malua decocta sit. Si reprimēdi causa, ex uerbenis.
Acris autem est marina aqua, uel alia sale adiecto: Atque
utraque decocta commodior est. Acrior fit adiectio, uel oleo
uel nitro uel melle quoque. Si acrior est eò plus extrahit,
sed minus facile sustinetur. Id quod infunditur neque frigi-
dum esse oportet, neque calidum, ne alterutro modo lædat:
quum infusum est, quantum fieri potest continere se in lectu-
lo debet æger, nec primæ cupiditati deiectionis protinus
cædere ubi necesse est, tum demum desidere.

HYPPOCRATICAE

Sententiæ.

CAPVT IX.

ERANT hec uel nimio plus satis, uerum ut
Barbarorum istorum inscitiam paulo etiam perspe-
ctiorem atque excusiores candide Lector habeas, libet &
dicta

dicta Hippocratis nostri (quæ obmittere planè nefas erat)
 hic suppingere: Scribit enim regiminis acutorum primo,
 Illi qui nuper cibum sumpsit, si uiribus abundet, & etate
 floreat, clyster immitti debet, si cibus iam pridem ingestus
 descenderit, nondum: inualido autem glandem supponere
 oportet, nisi sponte deiectione sequuta est. Porro eiusdem regi-
 minis lib. quarto. Quibus incipiēte morbo urina crassa est,
 aut ueluti nubecula, in ipsa suspenduntur, eos purgare con-
 uenit, si nihil aliud obstiterit: qui uero tenuem urinam ab
 initio mingunt, medicamento purgandi non sunt, sed clyste-
 rem exhibendo, eos curare in hunc modum oportet. Item
 ibidem post uenæ sectionem ad animi usque defectum in pe-
 ripneumonia & pleuritida clysterem exhibere præcipit:
 quibus adiecit Galenus: nisi si spontanea exierint probe.
 Cæterum idem eodem in libro: Arida (inquit) cholera uen-
 trem inflat, strepitum & dolorem, tum laterum tum lum-
 borū excitat aluius nihil deiecit sed astringitur. Eum qui sic
 affectus est obseruare oportet, ne uomat, sed aluius ducenda
 est: proinde ex aqua calida eaque quàm pingui clysterem
 adhibe. Galenus hunc enodans locum: Clyster (ait) pin-
 guis sicci intemperiei curatio est propria. Perpende quæ-
 so amice Lector, tam salubria præcepta imperatorum no-

strorum, & omnes stolidorum istorum errores

ab ipsis usq; radicibus ex animo reuellas,

atque in eorum locum salutares

opiniones, hoc est Hippo-

craticas & Gale-

nicas inse-

ras.

Ex arabibus

EX ARABIBVS ET HORVM

imitatoribus quedam, que an sint pro=
banda uiderint docti.

CAPVT X.

ET quoniam scribenti aliud ex alio in mentem uenit,
subtexam Arabum quorundam, eorumq; qui eos se=
quuti sunt, de clysteribus iudiciũ, primumq; blasphemii
auerrhois septimo sui colleget uolumine cap. i. Clysteribus
utimur (inquit) ubi superfluitates solũ ex intestinis trahere
decreuimus, aut per uiam ad oppositam partem deriuandi
materiam, & quemadmodum nonnulli uomitum in infer=
narum partium morbis commendant, sic & pharmacum in
affectibus superiorum laudatur. Porro quidam sunt exhiben=
tes clysteres quando per superna medicamen eductorium
ingerere minime possunt. Hæc autem Nycolus Florentinus
sermone suo secũdo, capite de clystere nomine dicentis ob=
missorefert. Vbi non pauca, ordine nullo accumulauit. Ra=
sis sui Continentis nono, copiose super clysteribus posteris
reliquit: ubi & librum clysterum nomine Galeni inscriptum
Ruffi esse confirmat. Scribit uero hic Rasis, clysterem bis
terue inijcere poterimus die eadem, idque potissimum ulce=
re in intestino recto existente, aut apostemate calido deie=
ctionem excrementorum prohibente. Qui (ut idem pau=
lo post) clyster si uehementis fuerit caliditatis, morbum (qui
tinesmus dicitur) accersit, si uero summæ frigiditatis, fla=
tum gignit, aluum astringit, malo quoque est intestinis &
uesicæ. Quamobrem energia actiue tepidum esse conue=
nit, aut ad exiguũ declinantẽ calorẽ, præterquàm in dolore
colico à calore prouenienti, in quo actu debet esse calidus,
quantum

quantum tolerare poterit aeger: ceterū ait quoque clysteri duobus meatibus opus esse, unumq; immittendo decocto quadrare, alterum ad flatum emittendum. Prætera noli exhibere clysterem ieiuno stomacho, nisi si ægri debilitas uetet. Vbi Nycolus: coacte omni hora necessario injici potest. Quid noui affers bone uir? Subscribam adhuc paucula quedam Continentis: Adjice (inquit) de oleo in iuuenū clysteribus, indigent etenim humectatione siccae substantiæ: mel uero adaugeas in iniectione scenum simul ac oleū. Oribasius (apud Nycolum) ad flatū fiat ex aqua calida clyster, nam tepida flatum ingenerat. Qui eodem in loco infit: Debent caueri clysteres Balani ubi opium & narcotica miscentur: quandoquidē Galenus octauo epidimiorum teste Rasi nono Continentis, uidit quosdam supposuisse sibi quo perierunt: testatur Nycolus se uidisse puerum cui ob tinesmi cruciatum intolerabilem appositum fuit opium obiisse: Senē quoque cui ob immensum colicū dolorem cū clystere opiū iniectum fuerat occubuisse, Galenus tamen noster secundo ad Glauconē inquit: Vti oportet Philonis medicamento, omnibusq; ex opio confectis, nō statim, sed post tempus cōpositionis annum, aut omnino semistre: Maxime uero atq; citissime ex potu horū medicamentorū laborantes sani fiunt. Vbi intestina gracilia patiuntur, sicuti ex his que sedi imponuntur, crassorum intestinorum passionēs præsentaneū habent remedium: ubi & de clysteribus que in dolore inferioris uentris ex spiritu conueniunt, doctissime memoriæ dedit. Prætera copiosissime libro methodi curadi duodecimo, de anodynorum usu tradit, ubi hæc pulcherrima & cōmodissima leges. Esto igitur terminus quem non præteribit is qui
ex arte

ex arte generose contra morbum pugnāt, ut tutò medicetur. Ei uero qui dolorem mitigat ipsarum uirium custodia, ubi ultra pergitur, crudelis hominis officiū facit, quā una cū morbo uitam quoque homini aufert. Qui uero cubantis delicijs subscribit, eiusque uoluptatē pro meta gerendorū habet, adulatoris. Ergo ueluti in omni totius uitae habitudine tū actione, ita hic quoque consilium illud sapientis qui ne quid nimis, dixit, complectemur, habentes pro fine quò tendamus cubātis utilitatem.

Committunt Arabes horumque imitatores tum in his tum in alijs remediōrum generibus non paucis eiusmodi excessus. Quandoquidem siue per os siue per inferna medicamenta eductoria quae uel polyphenum aut bryareum debilitaret, hominibus quos nūc terra pusillos educit, exhibent, et id Christiani quā Mahumetici cōfidentius, quorū errata si propalare animus esset, possem copiosum uolumen implere. Vnum tamen ē multis hoc in loco censui aperiendū, quod arisurum spero literarū purgatiōrum candidatis, atque Hippocratici praecepti amatoribus, uidelicet ut medicus quisque fraterne, amice, fideliterque curare debeat: quis etenim ignorat in medicandi arte etiam minimum erratū citra uitae humanae incommodum haudquaquam committi posse, in qua etiam teste Plinio nullum mendacio periculū maius, quoties suāsu Auicennae insalubria pro salubribus obtulerunt? Quoties salutare respuerunt eius auctoritate freti? Quot in locis Serapio Arabs herbas scribere aggressus, Dioscoridē male imitando peccauit? quorum temeritatē magna ex parte manifestā habemus opera et ingenio Leoniceui, uiri omnium disciplinarū peritissimi: cetera Ruelli industria propediem
auspice

(auspice Christo) in lucem uenient, magnum certe ex Serapionis erroribus generi humano detrimentū imminet, quem in simplicium medicaminum deliniatione à longo temporis curriculo sequuntur medicinae professores.

Lector amice, abducito te quantū potes ab Arabū lectione, qui omnia deprauarūt, Viros autem doctos in colloquiū ascisse, in primis autem Hippocratem & Galenum facito tibi familiares. Hi tibi habendi sunt semper in sinu nocturna manu uersandi, uersandi diurna. Porrò quantū ad simplicia pertinet, Dioscoridem tam apud Græcos quàm latinos atq; etiam Barbaros summum autorem præcipuumq; ducem accipe, quem Plinius nō minus quàm theophrastū in hac parte sequutus est: post quem Galenus in descriptione simplicium superdedisse fatetur, quoniam affatim satiffecisset.

Præcor autē Iesum ut salubribus tuis cœptis benignus aspirare dignetur:

Bene uale, & hæc quantulacunque boni consule.

FINIS,

de ex ser
minet, quem
o temporis

trāductio
u colloca
num facio
u nocturn
I simplici
vino aq
uerm aq
u parte
u pucum
Ite.

